



## Reglur um starfsstyrk listamanns Norðurþings

Norðurþing úthlutar starfsstyrk til listamanna í Norðurþingi samkvæmt eftirfarandi reglum:

### 1. grein

Fjölskylduráð Norðurþings veitir ár hvert listamanni sem búsettur er í Norðurþingi nafnbótina „Listamaður Norðurþings“. Nafnbótinni fylgir starfsstyrkur í samræmi við fjárhagsáætlun sveitarfélagsins ár hvert. Upphæð styrksins skal koma fram þegar auglýst er eftir listamanni sveitarfélagsins.

### 2. grein

Listamenn sem hafa framfæri af list sinni að einhverju eða öllu leyti og eiga lögheimili í Norðurþingi eiga rétt á að sækja um nafnbótina og starfsstyrkinn. Aðeins þeir listamenn sem búsettir hafa verið í Norðurþingi að minnsta kosti um tólf mánaða skeið koma til greina.

### 3. grein

Hægt er að veita einstaklingi eða hópi starfsstyrkinn. Einstaklingur eða hópur getur fengið styrkinn oftari en einu sinni, en þó skulu aldrei líða færri en fimm ár á milli þess að sami aðili hlýtur styrkinn.

### 4. grein

Fjölskylduráð auglýsir eftir umsóknum og/eða rökstuddum ábendingum um listamann og velur í kjölfarið listamann Norðurþings, en er þó ekki bundið af slíkum ábendingum. Í umsókninni skal koma fram á hvaða hátt listamaðurinn hugsar sér að láta sveitarfélagið og íbúa þess njóta listar sinnar. Auglýst skal á prent- og vefmiðlum sveitarfélagsins fyrir 1. maí ár hvert. Umsóknum skal skilað með því að senda tölvupóst á netfangið [sigrunbjorg@nordurthing.is](mailto:sigrunbjorg@nordurthing.is).

### 5. grein

Listamaðurinn skal tilnefndur við hátíðlega athöfn 17. júní ár hvert og ber hann titilinn í eitt ár.

## 6. grein

Listamaður Norðurþings skal undir lok tímabils sem listamaður sveitarfélagsins kynna fyrir íbúum þau verkefni sem hann hefur unnið að, sveitarfélaginu að kostnaðarlausu. Það getur t.d. verið með sýningar- eða tónleikahaldi, samstarfi við félög sveitarfélagsins og skóla, eldri borgara og/eða aðra listamenn í sveitarfélaginu. Sveitarfélagið útvegar viðeigandi húsnæði til listviðburða ef þörf er á. Í lok tímabils skal listamaður Norðurþings einnig gera fjölskylduráði stuttlega grein fyrir því á hvaða hátt íbúar sveitarfélagsins hafa notið listar hans.

## 7. grein

Fjölskylduráð mælist til þess að listamaður Norðurþings vekji athygli á nafnbótinni sem víðast.

## 8. grein

Gera skal skriflegan samning við listamanninn.



Samþykkt í Fjölskylduráði Norðurþings þann 14. október 2019  
og staðfest af sveitarstjórn þann 29. október 2019

